

بِسْمِ اللَّهِ الرَّحْمَنِ الرَّحِيمِ

# *K*HUTBA JUMMAH

HADHRAT AMIR'UL MUMINEEN MUHYI-UD-DIN

*Munir Ahmad Azim*

15 Mai 2015 ~  
(26 Rajab 1436 Hijri)

**(Résumé Khutba)**

**Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:**

Aucaine religion pas capave prétanne ki li parfait à moins ki li contenir tous bane l'enseignements complets concernant moralité de l'homme, parski malgré ki la moralité pas fer partie de la spiritualité, mais li premier l'étape ki amène vers la spiritualité, et sans bane moralité parfaits, l'homme pas capave arrive au développement spirituel parfait.

Ene l'étude de sa bane principes là faire nous réaliser et admette ki le monde ti simplement aveugler dans l'obscurité et dans sa l'état là bane dimounes ti pé rode bane principes de la moralité. Le fait ki li impossible pour faire ene exposé détaillé lors toute la question, mais par la grâce d'Allah, mo pou fer ene bref référence à certains questions de principe.

Le premier question ena tré à la définition de la moralité. La nature de bane qualités morales fine mal interprété et fine conduire l'humanité dans ene erreur grave et sa li responsable de bane longue discours inutile dans bane livres de la religions. Bane dimounes pas réaliser ki ena ene l'étape intermédiaire entre animalité et moralité. Animalité ena tré à sa condition de l'homme, en raison d'ene mauvais formation, maladie, mauvais l'habitude, l'ignorance ou mauvais volonté, kot alors li agir pour bane motifs et bane buts ki purement égoïstes, et alors li pas ena aucaine égard ni considération pour bane sentiments de bane les zot. Mais sa c'est pas condition naturelle de l'homme, parski l'homme fine recevoir dans li beaucoup de bane sentiments naturels ki incite li pou faire du bien à bane les z'autres et ki bane dimounes zot prend sa par erreur pour bane bons morales.

Par exemple, ene dimoune fine créé de nature social (c'est-à-dire, kot li capave adapter dans la société et socialisé avec bane dimounes) et sa bane sentiments là zot bane équipements nécessaires d'ene membre de la société. Même ene zenfant ki fine élevé dans l'izolement strict et ki fine privé de tout kalité l'instruction, même li aussi pou réfléchir sa bane sentiments là dans so conduite, et sa alors montré ki sa bane sentiments là zot différents de la moralité et zot simplement bane instincts naturels. Par exemple, l'affection et répugnance zot deux sentiments tout aussi naturels, et aucaine d'entre sa deux là pas capave par conséquent, décrire comme bon ou mauvais; parski si ene d'entre sa deux là li bon et ki l'autre là mauvais, alors nous ti pou bizin avouer ki Allah fine fer le mal présent dans nous nature, et sa pou ene bien vilain blâme lors Allah. De toute façon, sa doctrine là nous capave réfute li par nous propre l'expérience, parski ene sentiment de répugnance envers certains kitchoses, par exemple, envers l'oppression ou faire kit mal, alors sa répugnance envers bane mauvais là li bien bon. Mais si ti considère sak sentiment de répugnance comme ene mal, alors, répugnance pour le mal li-même ti pour ene péché, et sa li bien absurde.

Ene religion ki exhorte so bane disciples pou simplement être gentiye, ou pou pardonner, ou pou montrer l'affection, ou pour être bon, ou pou pas vine extravagant, sa en fait tout simplement ene énumération de nous sentiments naturels et sa li pas vine de quelconque enseignement moral. Seule religion ki capave prétendre pou donne l'instruction morale c'est sa religion ki fixé bane règlements kot pou capave contrôle l'exercice de bane sentiments naturels et donne bane directives pour mette zot en pratique. En d'autres mots, l'exercice de certains sentiments naturels et suppression de bane les z'autres sentiments pas corresponne à la moralité; la moralité c'est l'exercice conscient et intentionnel de tous bane sentiments naturels dans zot moments appropriés et ene restriction de sa bane sentiments là dans chaque occasion indésirable. Astaire anou prend par exemple le système judiciaire d'ene pays. La fonction d'instruction morale c'est pas pou pendre certains et pou laisse les autres libres pou faire saki zot envie, parski sa c'est pas saki nous appelle bon gouvernement, mais c'est ene anarchie (ki contre la loi d'ene pays); au contraire, fonction de l'instruction morale c'est pou fixer bane limites dans conduite de sak dimoune et pou empêche dimounes pou alle au-delà de sa bane limites établie là. Sa c'est la raison kifer bane actions de l'homme fine décrire comme morale, et bane actions similaires ki vine de bane animaux pas fine décrire de sa façon là.

Ene zanimo li souvent démontrer pitié, mais personne pas appelle li morale, parski tous so bane actions c'est par instincts ki li fer sa. Ene religion ki condamne ene zanimo comme étant de sa façon là ene source de mal pas pou capave fer avance la moralité, mais li contribuer pou détruire la moralité et pou réfléchir l'image de la société dans ene mauvais façon. Seul religion ki capave établir vraie moralité c'est celui ki attire l'attention de bane dimounes lors le bon moment et l'occasion pour mette en exécution sak sentiment naturel dans limite ki fine établir, c'est-à-dire, pou contrôle sa bane sentiments naturels là et applique zot dans moment ki bizin.

L'Islam donne nous sa zoli portré de la création de bane tels règlements ki bien claires pour maintenir l'humanité, en particulier bane ki croire dans li (l'Islam) et ki fasonne zot la vie d'après sa bane règlements islamiques là, dans bane limites ki permette, et pou rendre bane actes naturels de l'homme moral à travers bane codes fixés dans so livre parfait, le Quran Shareef.

*Insha-Allah* mo pou contigner lors le même sujet, vendredi prochain, mais avant ki mo termine mo Khutba, couma zot conné nous bane frères et sœurs de Kerala, dans le Sud pé fer ene programme spéciale pendant trois jours, aujourd'hui, demain et après-demain (le 15-17 Mai). Pour sa l'occasion là, mo fer duah pou zot ki Allah accepter zot bane duah ki agréable à Li (Allah) et Li béni sa place là et mette ene tranquillité dans zot lécoeur afin ki zot profite le maximum de sa programme là et zot contigner fer bane zefforts et travaux énormes pour le plaisir d'Allah, et ki zot tous les temps maziné ki arrive séki arrive, zot bizin profite au maximum bénédiction ki Allah fine accorde zot dans sa siècle là kot zot fine reconnaite et accepter So Khalifatullah et intégrer le Jamaat d'Allah pour fer bane sacrifices et bane grand travail pour la cause d'Allah. *Insha-Allah, Ameen.*

Et aussi, couma zot conné, aujourd'hui soir nous pou rentre le 27 Rajab, et alors avant mo termine mo Khutba mo pou cause quelques mots lors là. Le soir de 27 Rajab fine arrive saki nous conné comme *Isra* et *Mirâj* (le voyage spirituel et l'ascension dans lé ciel) ki le Saint Prophète Hazrat Muhammad (saw) ti fer. Et d'après bane Hadiths et les autres anecdotes de l'Islam, fine rapporté ki ene 27 Rajab nous bien-aimé prophète (saw) ti fer ene voyage dans la nuit à la Mecque et Jérusalem et plus tard li fine monte aussi dans lé ciel. Li étonnant ki beaucoup de bane musulmans encore pensé ki sa voyage ki li ti fer là ti ene voyage ki li ti fer avec so lé corps physique, quand en vérité, sa voyage là ti seulement spirituel. Sa li ene de bane raisons kifer zot encore croire ki Jésus, Hazrat Issa (as) li encore en vie physiquement au ciel et capave retourne lors la terre et déssane avec so lé corps matériel. Sa donne zot ene consolation ki sa li possible parski d'après zot, le voyage du Saint Prophète Muhammad (saw) ti physique.

Généralement bane prophètes d'Allah cause en paraboles. Bane paraboles zot seulement bane façons ki bane élus d'Allah servi pour illustrer bane situations afin ki bane dimounes capave pli comprend, mais au lieu de sa, zot pas comprend et zot pas mette sa en pratique kan bizin mette en pratique. Bane dimounes mal comprend sa bane paraboles là et prend sa comme étant littérale au lieu de métaphorique.

Ene dimoune ki vraiment fine fer l'expérience de *Kashaf* (vision) pou capave mieux comprend sa l'état ki Hazrat Muhammad (saw) ti été kan Allah fine donne li sa vision là. Malgré ki degré de sa *Kashaf* prophétique là ti bien plus haut niveau ki tous bane les autres Kashafs ki bane dimounes, y compris bane les autres prophètes avant fine recevoir, mais seulement saki claire

là-dans c'est ki Allah prend zis l'âme de So bane serviteurs vivants seulement par l'état de sommeil et de conscience ki nous appelle vision (*Kashaf*). Comparé avec sommeil ki d'ordinaire profond et ressemblé la mort, l'état de *Kashaf* li vini dans l'état d'éveil kot le cœur intérieur de l'âme (le *Sirr*) de sa serviteur d'Allah li éveiller. So *Sirr* éveiller, so lizié physique et spirituel éveiller et so lécorps matériel aussi éveiller kot li conscient ki malgré ki li lors so lili ou sois dans position ki li ti été kan li ti pé fer le *Zikr-é-Ilaahi*, alors li prend conscience ki Allah pé risse so l'âme et déracine li dans ene certaine façon malgré ki sa l'âme là encore toujours connecté avec sa lé corps physique là.

Alors ki ti la nature de sa voyage là? Eski li fine arrivé kan Nabi Kareem (saw) ti pé dormi ou kan li ti éveillé? Eski li fine vraiment fer ene voyage dans le sens physique ou eski li fine fer ene vision spirituel tout en restant dans so place? En fait, li ni ene, ni l'autre, kan en vérité ena ene mélange des deux vérités là-dans kot faudé kan dans l'état de *Zikrullah*, sois en étant allongé lors so lili, ou sois depuis ene profond sommeil, Allah fine réveille so conscience et de ce fait so lécorps pour ki li expérience sa vision là en ayant tout so sens physique et spirituel. Et de ce fait li fine trouve avec so lizié physique et spirituel ene manifestation de la limite du monde caché (le *Ghayb*) ki Allah ti envie ki li trouvé. Parski so lizié physique conscient (que ce soit so lizié fermé ou ouvert), et so lizié spirituel aussi, mais seulement pas fine ena aucaine sorte de lévitation (kot so lécorps en entier lever au ciel physiquement dans l'air) pour li fer ene telle voyage. C'est so l'âme ki Allah dans ene façon extraordinaire déconnecté depuis so lécorps pour li trouve ene telle vision sans pour autant ki li perdi la vie.

Sak group de bane musulmans capave vine de l'avant avec bane arguments et Hadiths de plusieurs sources pour prouve zot point. Mais saki bane dimounes ki dire ki Hazrat Muhammad (saw) fine voyager dans l'air avec so lécorps physique pas réaliser c'est ki kan Allah fine établir ene la loi, en l'occurrence celui de la gravité, Li respecter sa, et celui ki fine créer avec la terre pou reste connecter et mort dans la terre, tandis ki l'âme li de l'essence d'Allah, et celui d'ene prophète, et surtout du plus parfait de bane prophètes, so l'âme ti pli connecter, pli près avec Allah. Alors Allah ena sa puissance là et fine établir sa la loi là pour Li prend l'âme de So serviteur ou So prophète et retourne li sa l'âme là pareille couma Li donne ene la mort temporaire à tous bane dimounes et Li redonne nous, nous la vie le matin kan nous lever de nous sommeil. Nous tous rêver, et sa bane rêves là nous trouve sa avec nous lizié spirituel et nous voyager avec nous lécorps spirituel, pas avec nous lécorps ki ressembler la mort lors nous lili.

Ki Allah fer nous tous comprend sa la vérité là et mo fer duah ki Allah donne moi encore plisse connaissance lors sa sujet là, pour ki nous mieux comprend So bane manifestations et signes encore plusse. *Insha-Allah, Ameen*. Ki Allah (swt) béni zot tous. *Ameen Summa Ameen, Ya Rabboul Aalameen*.